

Henz Dahcojgyangh Fwen Haprwenz

左江河畔歌声起

——Cungzcoj Si Gawjbanh Gaiq Daihseiq Bouxcuengh Eufwen Doxdax Nem Cibbet Gaiq Seiqcung Cienzhoih Cingsaenz Dangj Raeuz Sanhgohvei



▲Gyoengqvunz gomaez.



◀Cungzcoj Si Minzvej cujyin Cau Lungz guh ciswz.



▲Fuzsuih Yen Sanhhih Sanhgohdui gohsouj eufwen Ginzung Lusén Vih Yinzminz.



▲Gvangjsih Sanhgoh Hezvei Veicangj Cinz Siengzcouh doiq gak loh gohsouj guh diemjbingz.



▲Bingzsiengz Si Youjyiz Sanhgohdui eufwen Dang Nungz Cigauh.

Bonjbauq siusik (gicej Suh Gyahgvai) 12 nyied 10 hauh daengz 11 hauh, youz Cungzcoj Siveij Senhconzbu、Cungzcoj Si Minzvej caeuq Denhdwngj Yen Yinzminz Cwngfuj lienzhab cawjbanh aen sanhgohvei Cungzcoj Si Gaiq Daihseiq Bouxcuengh Eufwen Doxdax nem Cibbet Gaiq Seiqcung Cienzhoih Cingsaenz Dangj Raeuz youq Denhdwngj Yen Denhcauh Gvangjangz gawjhengz hoengghwd, baez eufwen doxdax neix faen miz dangj raeuz ginzung lusén gyauyuz sizcenj hozdung、ginghdenj fwenyox daih beijingq、fwen ciengq minzcuz yinghyungz Nungz Cigauh、《Minzcuz Gihiyz Swcifaz》 senhconz daengj seiq ciengz doxdax. 15 aen doih 60 boux canghfwen daj Lungzcouh、Bingzsiengz、Dasinh、Ningzmingz、Gyanghcouh caeuq Fuzsuih daeuj haenx camgya doxdax. Daengzlaeng, Dasinh Yen Daiyaujdui daih' it doih caeuq Denhdwngj Yen Denhyingh Sanhgohdui aeundaej it daengj ciengj; Lungzcouh Yen Li' gyangh Sanhgohdui、Gyanghcouh Gih Yizyangz Sanhgohdui、Denhdwngj Yen Denhli Sanhgohdui aeundaej ngeih daengj ciengj; Gyanghcouh Gih Gyanghnanz Sanhgohdui、Ningzmingz Yen Mingzgyangh Sanhgohdui、Bingzsiengz Si Youjyiz Sanhgohdui、Dasinh Yen Daiyaujdui Daihngaih Doih、Denhdwngj Yen Denhcauh Sanhgohdui aeundaej sam daengj ciengj. Linghvaih, gyoengq bingzvej lij faenbied bingz ok youhsu cozbij ciengj 12 aen, ceiq ndei byaujyenj ciengj caeuq ceiq ndei ndangdaenj ciengj gak 3 aen.



▲Gyanghcouh Gih Gyanghnanz Sanhgohdui eufwen Swci Fazgeih Dingigvahgvah.



▲Denhdwngj Yen Denhyingh Sanhgohdui eufwen Go Nuengx Cingzeiq Naek Beij Bya.



▲Goenggeq maez fwen loegyaem sanhgoh.

◀Lungzcouh Yen Ginhlungz Doihbuhraez eufwen Lohsienq Dangj Raeuz Dwg Daeng Rongh.



▲Dasinh Yen Daiyaujdui Daih' it Doih caeuq Denhdwngj Yen Denhyingh Sanhgohdui aeundaej daih' it mingz.